



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

In obitu devoti Humberti Monachi.

**urn:nbn:de:hbz:466:1-39254**

veniunt ; supereminens capiti tuo cornu crucis excipiat. Sanè hoc solum est, cui salutis pariter & regni titulus inscribitur ; quia solus qui se humiliat , salvati & exaltari meretur.

Jam ut breviter repetam , quatuor hæc cornua sunt , continentia , patientia , prudentia , & humilitas. Felix anima quæ in hac cruce gloriatur & triumphat , tantum ut perseveret in ea , nullis valeat tentationibus deiici. Oret igitur quisquis in hac cruce est , oret cum beato Andrea Dominum & Magistrum suum , ne patiatur eum de cruce deponi. Quid enim malignus ille non audeat , quid non præsumat impius attentare ? Quod Ægeæ manibus de discipulo , hoc Judæorum linguis facere cogitaverat & de Magistro. In utroque tamen sera pænitentia ductus , vixsus & consulsus abscessit. Utinam abeat similiter & à nobis , eo vincente , qui & in se , & in discipulo triumphavit. Faciat ipse ut mereamur & nos in hac nostra qualicunque cruce pænitentiae , quam pro ipsius nomine tulimus , feliciter consummari , qui est super omnia Deus benedictus in saecula , Amen.

*Demon per-  
severantia in-  
sidiatur.*

*Manendum  
& morien-  
dum in cruce.  
† v. Fasic.  
Cyfserc.  
Chrysoft.  
Henriquez.  
lib. 1. dſt.  
13. ubi di-  
citur fuisse  
fundator &  
primus Ab-  
bas Ceno-  
bij Ignia-  
censis à B.  
Bern. con-  
stitutus , po-  
ste a tamen  
deposito  
præfecturæ  
onere ad  
Clara-Val-  
lem rediisse,  
ibique san-  
cto fine  
quievisse.  
Mortis sola  
potestas in  
corpus , nulla  
in animam.*

### IN OBITU DEVOTI HUMBERTI MONACHI.

#### S E R M O.

**H**umbertus famulus Domini mortuus est , devotus famulus , servus fidelis. Ipsi vidistis quomodo nocte præterita inter manus nostras expiravit tanquam unus ex vermiculis terræ. Per hoc triduum fatigavit eum mors , & demolita est intra fauces suas , ut satiaretur sanguine quem fitivit. Eia fecit quod potuit , occidit carnem , & ecce recondita est in corde terræ. Separavit à nobis dulcem amicum , prudentem consiliarium , auxiliarium fortem. Nec mihi nec nobis pepercit insatiabilis homicida , mihi minus. Siccine separas amara mors ? O bestia crudelis , ô amaritudo amarissima , ô fœtor & horror filiorum Adam. Quid fecisti ? Occidisti , posledisti. Sed quid ? Carnem utique solam. Animæ enim non habes quid facias. Volat ad creatorem suum : quem tam ardenter concupierat , tam fortiter secuta fuerat omnibus diebus vitæ suæ. Sed & ipsum corpus quod videris habere , auferetur à te : cum tu novissima inimica destrueris , & absorbeberis in victoria. Reddes utique reddes aliquando corpus istud , quod ad signum adventus tui tantis hæsterna die sputis & excretionibus , ac multipli sordium squalore repleveras , lætabunda & laudans , quia hunc tuis laqueis irretiisses. Veniet Unigenitus Patris cum potestate magna & majestate Humbertum quererè , & illud idem cadaverosum corpus configurare corpori claritatis suæ. Tu autem quid ? Profecto (quod a Hier. 17.b in Hieremia scriptum est .") in novissimo dierum stulta remanebis : & Humberto

Humberto

# De Obitu devoti Humberti Monachi. Serm. 469

Humberto in æternum vivente, tu in perpetuum morieris. Evomuit Prophetam <sup>b</sup> marina bestia quem deglutierat: & tu Humbertum redes, quem videris tuo vastissimo ventre conclusisse.

<sup>b</sup>. Ionæ. 3

De cætero, Fratres, factitium vobis sermonem in omni forma sanctitatis iste Dei servus exhibuit, quem & longum fecit & magnum, Longum, quantum ad longinquitatem viæ: magnum, quantum ad vitæ sublimitatem. Non oportet me amplius aperire os meum, si bene retinuisti sermonem ejus, si vestris illum cordibus impressisti. Quinquaginta annos & eo amplius vixit in servitio illius, cui servire regnare est; quia à puerilibus annis locutus est in sanctuario Dei. Nobiscum triginta annis ab ipso pene principio monasterij hujus conversatus est, non solum sine querela, sed & cum gratia: cuius ex hoc memoria in benedictione erit nobis, & generationi, quæ ventura est. Sicut advena & peregrinus pertransiit viam & vitam istam, quantum minus potuit de mundi rebus accipiens, ut pote sciens quia non erat de hoc mundo. Non habebat hic manentem civitatem, sicut nec patres sui: sed in anteriora extensus sequebatur ad palmam supernæ vocationis. Nihil habet mundus quod jure clamet in eo, vel de eo: quia nec mundus ei placuit, nec ipse mundo. Quantum parcus potuit de substantia ejus accepit, & minus accepisset, si non obedientia coegisset Victimam & vestitum habens, his contentus fuit, non ad superfluitatem, sed ad necessitatem: nisi quod ipsam quoque necessitatem, superfluitatem esse sæpius causabatur. Ante hos paucos dies, si bene memini, dum colloqueremur adinvicem, dicebat se monasterij hujus præbendarium esse, & nullius tanquam utilitatis hominem pasci in domo Dei. Erat enim vere mitis, & humilis corde: & cum cæteris floret virtutibus, gratiam tamen mansuetudinis specialiter obtinebat. Ideo se amabilem & affabilem omnibus exhibebat, sicut erat amabilis valde.

*Humbertus  
idea & exemplar viri religiosi; nam eminebant in eo  
contemptus mundi, seu a-  
mor paupertatis;*

*Mansuetudo  
& humilitas.*

Veruntamen in his omnibus quam circuncisum fuerit os ejus & lingua, omnes vos plenissime cognovistis, qui tamdiu vidistis ejus conversationem, & sermonem ejus audistis. Quis unquam ex ore ejus sonum detractionis, verbum scurrilitatis, sermonem gloriae, invidiae vocem audivit? *Taciturnitas & lingua cu-  
prehendit?* Quis eum vel alios judicantem, vel judicanti consentientem aliquando de- *stodie.*  
eo timuit, si talia forte loqueretur audiri? Nimurum sollicite custodiebat vias suas ut non delinqueret in lingua sua, sciens quia qui in verbo non offendit, hic perfectus est vir <sup>c</sup>. Longe à te Humberte. Væ illud evangelium: *Væ vobis qui ridetis nunc, quia flebitis* <sup>d</sup>. Nunquid aliquis vestrum eum ridentem, & inter multos ridentes invenit? Serenabat quidem vul- tum suum assidentium gratiâ, ne fieret onerosus, sed risum integrum,

sibene

Nra 2

*Vigilantia,  
industria, &  
fervor.*

*Affiduitas in  
officio divino.*

*Sobrietas &  
rara absti-  
nentia.*

*† v. Bern.  
serm. 19. in  
Cant. n. 8.  
ubi carpit  
religiosos  
hac in parte  
proprio ju-  
dicio nimi-  
um obse-  
quentes.  
Prudentia  
in consiliis.  
Et tentatio-  
num remedium.  
Charitas &  
pietas erga  
alios. In  
sancta con-  
versatione  
constantia.  
Verus ergo  
Christi secta-  
tor & disci-  
pulus Hum-  
bertus.*

bene recolitis, non admisit. Porro quanti servoris in opere Dei diebus & noctibus fuerit, non solum vidistis, sed etiam admirati estis usque ad diem mortis suæ. Cum enim ferè jam ad decrepitam pervenisse etatem, præter incommoda senectutis, etiam tot & tantis infirmitatibus, quas multi vestrum non ignorant, lassatus atque quassatus; erat tamen, ut dicitur, animus viator annorum, & cedere nesciens infirmitati. Denique in frigoribus & caloribus per montes & valles ascendens & descendens, juvenum laborem prosequebatur, ita ut admirationi esset omnibus & stupori. Si eum quandoque propter multitudinem negotiorum consilij gratiâ retinuisse, tristis perseverabat & nubilus donec vestro consortio redderetur. Rarissimè unquam solemnibus vigilijs, quas non raro anticipabat, rarissimè cæteris horis psallentium in choro inventus est defuisse: nec nisi ea necessitate, ut ex instanti responsum mortis habens infirmitas sequeretur.

Porro in refectorio vix communibus utens cibis siquid forte aliud apponenteretur, aut non accipiebat, aut tam molestè accipiebat, ut super hoc universitatem nostram fæpitis molestaret. Decreverat aquam bibere semper, si non totis viribus restituisse. Vinum si quandoque bibere cogebatur; erat vinum colore potius quam sapore, adeo illud aquis nimis obrucebatur. Vix unquam ubedientia compellente infirmitorum introivit: vix cum intraffasset teneri potuit. Fateor minus obediens in hac parte, quod auctoritatis suæ mole me premeret. Laudo eum, in hoc non laudo: quia sicut vos scitis, non parum in hujusmodi persistit obstinatus. Credo quia si quid triste sensit, propter hoc sensit, quod minus nobis consensit de necessitate corporis sui †. Sed qualis erat in consilijs? Purus utique & discreitus, quod ego tanto melius novi, quanto saepius tetigi pectus ejus. Non solus autem novi hoc, novit & universitas vestra. Quis denique multitudine vel magnitudine temptationum percussus, non audivit ab ore ejus & radicem temptationis, & curationis remedium? Ita enim percurrebat omnes angulos conscientiæ infirmantis, ut credere posset qui confitebatur, eum vidisse omnia, omnibus interfuisse.

Quantæ autem charitatis erat? Sic se induerat viscera pietatis, ut omnes excusaret, pro omnibus intercederet, nescientibus illis pro quibus loquebatur; non personarum acceptor, sed necessitatum. Erat ergo humilis corde, dulcis sermone, strenuus opere, servens charitate, in commisso fidelis, in consilio circumspectus & prudens. Compositus erat super omnes homines quos viderim in diebus istis, unus & idem perseverans omni tempore & omni hora. Plane in semitis Domini IESU posuit vestigia, nec retraxit pedem donec cursum itineris consummaret. Ille fuit pauper,

# De Obitu devoti Humberti Monachi. Serm. 471

pauper, pauper etiam iste fuit. Vixit ille in laboribus, & hic in laboribus multis. Crucifixus est ille, & iste multis & magnis crucibus affixus, stigmata JESU tulit in corpore suo, adimplens ea quæ deerant passionum Christi etiam in carne sua. Resurrexit ille, iste resurget. Ille ascendit in cœlum, & iste creditur ascensurus. Ascensurus plane cum rex gloriæ propter nos descendet, sicut prius ascenderat, ut notam faciat potentiam suam: cum non minoris excellentiæ sit descendere per aera, quam per aerem ascendisse. Sic enim olim Angeli prædixerunt <sup>e</sup>: *quia hic Iesus, qui assumptus est à vobis in cœlum, sic veniet quemadmodum vidistis eum euntem in cœlum.* Ne laudaveris hominem in vita sua, dicit scriptura <sup>f</sup>, pro eo quod non est secura laudatio nisi post mortem. Hoc & ego in eo studiosè servavi, qui dum viveret, in huiusmodi non aperi os meum; ne forte possemus vel ego adulatio notam, vel ille culpam incurrire vanitatis. Ex hoc sane neutrum jam timetur: nec ego eum video, & ille forsitan me non audit. Sed etsi audiat, non movetur hominum verbis, fortius inhoerens atque felicius verbo DEI. Nihil proficiet inimicus in eo, & vanitatis suggestor non apponet nocere ei.

<sup>e</sup> Act. 1. a

<sup>f</sup> Eccl. 11. d

Ecce jam coram te est, Pater dulcissime, fons ille puritatis, quem tanto ardore animi fitiebas: ecce immersus es in illam divinæ pietatis abyssum, cuius memoriam abundantia suavitatis tam devotè eructare solebas. Quis enim tam devotus prædicator pietatis divinæ, quis humanæ puritatis commendator tam studiosus, quis utriusque rei tam affectuosus amator erat? aut cui aliquando quinq; verba locutus es, in quibus non vera puritas resonaret, in quibus non sancta Dei pietas audiretur? Non ergo super te doleo, cui desiderium animæ tuæ tribuit Deus, mihi potius ademptum doleo fidele consilium, auxilium grande, virum unanimem, hominem secundum cor meum. In me hæc omnia mala ceciderunt. In me transferunt ira tuæ Domine JESU, & terrores tui conturbaverunt me. Elongasti à me amicum & proximum, & notos meos à miseria extra-hens, me in miseriis reliquisti. Abstulisti mihi germanos carne, germaniores spiritu, & in tuis negociis, & in secularibus secundum te sapientes. Sustulisti hinc alios, atque alios, qui onus meum portabant, onus grande quod mihi imposuisti. Unus mihi prope solus Humbertus supererat è tantis necessariis meis, eo suavior amicus, quo antiquior: & hunc tulisti; quoniam tuus erat. Ego solus ad verbera relinquor, ego morior in singulis, & omnes fluctus tuos induxisti super me. Utinam quem flagellas, occidas semel, & non miserum hominem tot & tantis mortibus serves.

*Apostrophe  
ad Humbertum.*

*Ad Christum.*

*Pia S. Bern.  
lamentatio.*

Veruntamen non contradico sermonibus sancti: qui cœpit, ipse me <sup>Dolorat</sup> conterat; & hæc mihi consolatio sit, ut affigens dolore, non parcat. <sup>eruptum sibi</sup>

N n n 3

Ego

## 472 Sancti Patris Bernardi

*suisque Hum-  
bertum.*

Ego in flagella paratus sum , si forte pius pater in beneficia flagella com-  
mutet. Unde & verba non murmure plena sunt , sed dolore. Non ploro  
Humbertum (neque enim ille plorandus est , qui vocatus est ad mensam  
divitis , sed super me & super vos ploro , super domum istam , super cæte-  
ros fratres nostros , qui omnes ab eius ore consilium expectabant. Sic &  
Salvator crucem suam tanquam latro suum laqueum portans , cum mulie-  
res quæ eum à Galilæa secutæ fuerant , super se lamentantes respiceret ,  
*g Luc. 23. d* conversus ad eas dixit & : *Filiæ Hierusalem nolite fovere super me , sed su-  
per vosipſas flete , & super filios vestros.* Etenim ea quæ de me sunt , finem  
habent. Quæ videtis mihi præparari , temporalia sunt : quæ non vi-  
detis , æterna. Si temporalia sunt , transitoria sunt : si transitoria sunt , &  
mortalia sunt : & transeundi vel moriendi argumentum hoc solum est ,  
quia videri possunt. Temporalia fuerunt quæ in Humberti morte conpe-  
ximus , sed jam obtinet gaudium & lætitiam in perpetuas æternitates.

*Omnia visibi-  
lia transito-  
ria.*

*Intercessio  
sanctorum.*

*Ocioſe sermo-  
nes & omnis  
iaclatura tem-  
poris carenda.*

*Vel graviter  
in purgatorio  
luenda.*

Non est ergo lugendus nobis , cui nec luctus , nec dolor est. Sed nec  
pro nobis , quibus ille sublatus est , murmurandum est , magis gratias aga-  
mus quod tamdiu concessus est nobis. Siquidem (ut ego arbitror) decen-  
nium jam decursum est , quod non vixit , nisi nobis & pro nobis : atque  
hic timor meus est , ne ideo translatus sit , quia non eramus jam digni con-  
fortio illius. Quis scit tamen si idcirco sublatus fuerit , ut nos suis inter-  
cessionibus protegat apud Patrem ? Utinam ita sit. Si enim tantæ chari-  
tatis erat dum esset nobiscum , ut omnia quæ ad corpoream necessitatem  
spectant , libentius mihi quam sibi cederet : quanto magis nunc cum illi  
summæ charitati (quæ Deus est) inhæret , maiorem habet in me gratiam  
& charitatem ? Sed forsitan nunc de me , & de conversatione mea pleni-  
us novit veritatem , nec compatitur , ut solebat , sed ut vereor , indignatur.  
Quod si etiam propter peccata nostra abstulit eum DEUS : utinam idem  
ipse obtineat , ut nobis hoc ipsum misericorditer relaxetur , ne pœnam su-  
per pœnam sustineamus.

De reliquo , Fratres , dico vobis , si sequeremini vestigia eius , non  
tam facile in vanis cogitationibus & ociosis sermonibus in jocis & ſcurri-  
litibus laberemini : quia in his multum perditis & de vita vestra , & de  
tempore vestro. Volat irrevocabile tempus , & dum creditis vos cavere  
pœnam istam minimam , incurritis amphiorem. Illud enim scitote , quia  
post hanc vitam in purgabilibus locis centupliciter , quæ fuerint hic ne-  
glecta , redundunt usque ad novissimum quadrantem. Scio ego quia  
durum est homini dissoluto apprehendere disciplinam , verboso silentium  
pati , vagari solito stabilem permanere : sed durius & multo durius erit  
futuras illas molestias tolerare. Et homo iste qui hic sepultus est , multa  
in prin-

in principio (sicut ipse cognovi) super huiusmodi tentamenta sustinuit, sed cum multo luctamine pugnavit & vicit. Et sicut tunc ei durum erat pugnam in temptationibus sustinere, sic ei modo durius esset ad illas ineptias revolare, quia bona consuetudo pervenerat in naturam. Exercete vos in doctrina ista, & attendite formam illam quam vidistis in eo & audebatis: ut ad eum perveniat ad quem ipse pervenit, qui est benedictus in saecula, AMEN.

## IN DEDICATIONE ECCLESIAE.

## SERM. I.

Festivitas hodierna, Fratres tanto nobis debet esse devotior, quanto familiarior est. Nam cæteras quidem Sanctorum solennitates cum Ecclesiis aliis habemus communes: hæc vero sic nobis est propria, ut necesse sit, vel à nobis eam, vel à nemine celebrari. Nostra est, quia de Ecclesia nostra: magis autem nostra, quia de nobisipsis. Miramini forsitan & erubescitis celebrari festa de vobis, sed nolite fieri sicut equus & mulus, quibus non est intellectus. Quid enim lapides isti potuerunt sanctitatis habere, ut eorum solennia celebremus? Habent utique sanctitatem, sed propter corpora vestra. An vero corpora vestra sancta esse quis dubitet, quæ templum sancti Spiritus sunt, ut sciat unusquisque possidere vas suum in sanctificatione? Itaque sanctæ sunt animæ propter inhabitantem spiritum Dei in vobis. Sancta sunt corpora propter animas, sancta est etiam propter corpora domus. Adhuc certè corruptibili tenebitur in carne, & in corpore peccati, in quo & grave adulterii crimem admisit illius anima qui dicebat: *Custodi animam meam, quoniam Duplices sancti sunt.* Mirabilis plane DEUS in Sanctis suis, non modo in cœlestibus, sed etiam in terrenis. Utrobique sanctos habet, & in utrisque mirabilis est: illos quidem beatificans, istos sanctificans.

*Festivitas dedicationis non tam templi consecrati materialis, quam nostri spiritus.*

*In Psal. 8. a  
Custodi animam meam, quoniam Duplices sancti sunt.  
Elos habet Deum, alios in celis alios in terris.*

An experimentum queritis eius de qua loquimur sanctitatis, & sanctorum vobis istorum miracula desideratis ostendi? Multi certè ex vobis à peccatis & vitiis in quibus computruerunt tanquam jumenta in stercore suo, exiere viriliter; & quotidie impugnantibus eis potenter resistunt, *b Hebr. 11. f* juxta Apostolum qui de sanctis loquens utique *b. Convoluerunt*, inquit, *Nec his terrenis sua defont miracula.* *de infirmitate fortis facti sunt in bello.* Quid mirabilius, quando is qui prius vix per biduum poterat à luxuria, crapula, & commessationibus, & ebrietatibus, à cubilibus & impudicitiis, cæterisque similibus & dissimilibus vitiis continere, nunc ab eis continent multis annis, tota utique vita sua? Quod maius miraculum, quando tot juvenes, tot adolescentes, tot nobiles, universi denique quos hic video, velut in carcere aperto tene-